




INSPIRING HOPE

OSK
ESC

AFRIKAANS AKTIWITEITE

Graad R

Hierdie dokument is saamgestel
deur die Beyond Education- program
studente van 2020.

Geagte ouers, voogde en leerders.

Hierdie dokument bevat aktiwiteite saamgestel deur opvoedkunde Studente, deel van die Beyond Education Program van die Universiteit Stellenbosch. Die program is hierdie jaar geloods as deel van die portefeulje, 'Sosiale Impak-Ekstern', wat deel vorm van die Onderwys Studente Komitee (OSK). Dié program skep 'n platform vir studente om aktiewe agente van sosiale verandering te wees.

Ons is almal bewus van die krisis waarmee ons tans sit. Die Corona Virus pandemie het egter verskeie uitdagings na vore gebring; een van dit is dat ons skoliere nou waardevolle onderrig- en leertyd verloor, as gevolg van die Nasionale Staat van Inperking.

As opvoedkunde Studente wat deel uitmaak van die BE-Program het ons besef dat die speelveld baie ongelyk is. Almal het nie die nodige leermateriaal of selfs internet om hul akademiese jaar suksesvol te voltooi nie. Dus het ons dit goed gedink om hierdie bronne saam te stel. Die aktiwiteite sluit die leerareas, Wiskunde, Afrikaans en Engels in.

Ons versoek dat u as ouer(s) of voog(de), ons leerders moet ondersteun deur hierdie tydperk om akademies stimulerend te bly. Deel ook gerus die aktiwiteite met ander, sodat dit maksimaal versprei kan word. Saam kan ons hierdie oorwin!

Wees veilig.

Marcel Adams

*OSK/ESC (Sosiale impak-eksterne portefeuljebestuurder.)
Beyond Education-programkoördineerder.*



INHOUD

GRAAD R	4
Aktiwiteit 1	4
Aktiwiteit 2	6
Aktiwiteit 3	7
Aktiwiteit 4	8
Aktiwiteit 5	9

GRAAD R

Aktiwiteit 1

Kinders is mal oor klei speel. Kom ons maak klei en leer deur te speel met die klei!

Hier is die resep:

Bestandele:

- Een koppie meel - 1 koppie (250ml)
- Twee teelepels kremetart - 2 tsp (1 tsp = 5ml , 2tsp = 10ml)
- 'n Halwe koppie sout - ½ koppie (125ml)
- Een eet lepel kook olie - 1 tbs (15ml)
- Een koppie water - 1 koppie (250ml)
- Kleursel druppels - 3 tot 4 druppels

Metode:

1. Meng die kleursel met die water.
2. Gooi die gekleurde water in 'n groot pot op die stoof, en gooi die olie by.
3. Gooi al die oorblywende, droë bestanddele in die pot.
4. Meng alles in die pot deeglik.
5. Kook die mengsel oor matige (medium) hitte, totdat dit 'n droë deeg begin vorm.
6. Sodra dit 'n bal vorm, haal dit van die hitte af en laat dit afkoel.
7. As dit klaar afgekoel het, knie die deeg vir 5 min.

Speletjies om te speel met die klei

1. Laat u kind die letters van die alfabet vorm met die klei.
- Hier is 'n voorbeeld van hoe u kind dit moet doen:



- Hier is 'n alfabet sodat u kind kan sien watter letters hulle als kan vorm:

a b c d e f g h i j k l m n o p q r s t u v w x y z

2. Laat u kind die letters skryf op die klei.

- Hier is 'n voorbeeld van hoe om dit te doen



Aktiwiteit 2

Genoeg van klei, kom ons speel met sand! Wat moet julle voorberei?

Doen die volgende:

- Vat 'n groot plat reghoekige bak of 'n plat reghoekige boks en gooi dit vol sand of grond.

- Vat stukkies papier en skryf elke letter van die alfabet op 'n stukkie papier.

Speletjies om te speel met die sand

- Laat u kind die letters van die alfabet oefen.
- Laat u kind die letter in die sand trek met hul vinger.
- Gee vir hulle die papier met die letter op en hulle moet daardie letter oefen deur dit te skryf in die sand.

- Hier is 'n voorbeeld van hoe u kind dit moet doen:



Aktiwiteit 3

Verf tyd!

1. Skryf op 'n stuk papier vir u kind die volgende woorde:

son, hond, blom, fiets, olifant, blou, appel, huis



[Belangrik om te onthou! As u vir u kind 'n woord gee om te skryf, sê vir hulle watter woord dit is wat hulle skryf, sodat hulle die woord leer en sien hoe die woord lyk en klink]

2. Skryf die letters van die alfabet.

3. Skryf u kind se naam.

- Laat u kind die woorde, letters of hul naam oor gaan met verf en 'n oorstokkie.
- Hier is 'n voorbeeld van hoe om dit te doen:



Aktiwiteit 4

Kom ons oefen bietjie die vingerspiere! Wat gaan julle nodig kry?

1. 'n Groot stuk stewige papier of karton.
 - Skryf reg rondom die stuk karton die alfabet in hoofletters.
2. Wasgoedpennetjies
 - Skryf op die wasgoedpennetjies die alfabet in klein letters.
 - Hier is hoe dit moet lyk:



Laat u kind die kleinletters van die alfabet pas by die hoofletters wat geskryf is op die karton. U kind moet dan die regte pennetjies by die regte hoofletter vasknyp.

Aktiwiteit 5

Genoeg van stil sit, kom ons hardloop rond en soek!

- Vir die volgende aktiwiteit kan jy weer die stukkies papier met die letters op gebruik.
- Gee vir u kind 'n stukkie papier met 'n letter op. U kind moet dan rond gaan in die huis en iets soek wat met die letter begin.

[Belangrik! Soek eers self iets in die huis wat met die letter begin. Hou dit maklik en eenvoudig vir u kind. Gee vir hulle 'n wenk in watter vertrek van die huis dit is en wanneer hulle koud (ver weg) of warm (naby) is.]

Ekstra aktiwiteite

1. Maak 'n reënboog met geskeurde kleur papier wat jy plak in 'n boog.



2. Teken die skaduwees van jou speelgoed en kleur dit in.

